

聖

隋書十志實館梁陳齊周隋五代在八書中
為最要碩士史皆有眉目刊獨隋書無之意南北
宋時大江南北必刻有精刊而今不傳自今著錄於
天祿琳瑯者為嘉寧間刊本又常熟瞿氏有半葉
十行十九字殘本三卷此外諸家著錄皆出有元瑞州錄
刊十行廿二字本它無闕焉古冬殿肆有九行本憾未
得見今夏抱存展轉得之書為馬笏齋舊藏每行六
廿二字與瑞州本同而開板略小字勢較生動巨桓楷等字
法缺末筆當是宋末元初所刻即補板亦在明初尚罕

見之殊快惜行筆遠無端州本不得一校原缺天文一卷
案頭適有古歲十行殘本為
抱存補入乙卯中伏日裝
成為題如在 盛鐸



唐魏徵像

鮑惠人繪

寒雲題



九行本隋書惟四庫簡明日錄批注本有之且謂
左錄外有篇名後有無名氏序及天聖二年云云
兩行有明補之本云此書左欄有耳並有補版當
即簡明日錄所謂之宋刊惟卷尾已殘故序及
題已並失之 乙卯六月二十三日燈下寒雲記

是書於國變後出滿族故家分售數處余感其蒐見之不
知其可貴忽視之旋為書估誑去持一冊示余立索巨值雖
遽還之而夢寐不能忘也辰轉經五閱月始以四百圓易之
木師復贈十行本天文志中一為補其缺喜可知已 同日又記

隋書

八十五卷

帝紀五卷

特

進

臣

魏

志三十卷

蔚鸞都督魏

列傳五十卷

特

進

隋書第一卷

寒雲秘笈
珍藏之印

帝紀五卷一

高祖上

隋書第二卷

帝紀二

高祖下

隋書第三卷

帝紀三

煬帝上

隋書第四卷

帝紀四

煬帝下

隋書第五卷

帝紀五

恭帝

隋書第六卷

志三十卷一

禮儀一

隋書第七卷

志卷二

禮儀二

隋書第八卷

志卷三

禮儀三

隋書第九卷

志卷四

禮儀四

隋書第十卷

志卷五

禮儀五

隋書第十一卷

志卷六

禮儀六

隋書第十二卷

志卷七

禮儀七

隋書第十三卷

志卷八

音樂上

隋書第十四卷

志卷九

音樂中

隋書第十五卷

志卷十

音樂下

隋書第十六卷

志卷十一

律曆上

隋書第十七卷

志卷十二

律曆中

隋書第十八卷

志卷十三

律曆下

隋書第十九卷

志卷十四

天文上

隋書第二十卷

志卷十五

天文中

隋書第二十一卷

志卷十六

天文下

隋書第二十二卷

志卷十七

五行上

隋書第二十三卷

志卷十八

五行下

隋書第二十四卷

志卷十九

食貨

隋書第二十五卷

志卷二十

刑灋

隋書第二十六卷

志卷二十一

百官上

隋書第二十七卷

志卷二十二

百官

隋書第二十八卷

志卷二十三

百官下

隋書第二十九卷

志卷二十四

地理上

隋書第三十卷

志卷二十五

地理中

隋書第三十一卷

志卷二十六

地理下

隋書第二十二卷

志卷二十七

經籍一經

隋書第二十三卷

志卷二十八

經籍二史

隋書第二十四卷

志卷二十九

經籍三子

隋書第二十五卷

志卷三十

經籍四集道經佛經

隋書第二十六卷

列傳五十卷一

后妃傳卷一

文獻獨孤皇后

宣華夫人陳氏

容華夫人蔡氏 煬帝蕭皇后

隋書第三十七卷

列傳卷二

李穆

子單 穆兄子詢 詢弟崇 崇子敏

梁睿

隋書第三十八卷

列傳卷三

劉昉

鄭譯

皇甫績

盧賁

柳裘

隋書第三十九卷

列傳卷四

于義

子宣道

宣敏

陰壽

子世師

骨儀附

竇榮定

元景山

源雄

豆盧勣

子毓 勣兄通

賀若誼

隋書第四十卷

列傳卷五

梁士彥

宇文忻

王誼

元諧

王世積

虞慶則

元胄

隋書第四十一卷

列傳卷六

高嶺

蘇威子夔

隋書第四十二卷

列傳卷七

李德林

隋書第四十三卷

列傳卷八

河間王弘子慶

楊處綱

楊子崇

觀德王雄弟亮

隋書第四十四卷

列傳卷九

滕穆王瓚嗣王綸

道悼王靜

衛昭王爽嗣王集

蔡王智積

隋書第四十五卷

文四子傳卷十

房陵王勇子儼 秦孝王俊子皓

庶人秀

庶人諒

隋書第四十六卷

列傳卷十一

趙熒

趙芬

楊尚希

長孫平

元暉

韋師

楊昇

蘇孝慈

李雄

張熒

隋書第四十七卷

列傳卷十二

韋世康 弟洸 藝 冲 從父弟壽

柳機 子述 機弟且 肅 從兄雄 亮

隋書第四十八卷

列傳卷十三

楊素 弟約 從父文思 文紀

隋書第四十九卷

列傳卷十四

牛弘

隋書第五十卷

列傳卷十五

宇文慶

李禮成

元孝矩

弟褻

龐晃

李安

隋書第五十一卷

列傳卷十六

長孫覽

從子

弟晟

隋書第五十二卷

列傳卷十七

韓擒虎

弟僧壽 洪

賀若弼

隋書第五十三卷

列傳卷十八

達奚長孺

賀集 字幹

史萬歲

劉

隋書第五十四卷

列傳卷十九

王長述

李衍

伊婁謙

田仁公

元亨

杜整

李徹

崔彭

隋書第五十五卷

列傳卷二十

杜彥

高勳

余朱敞

周搖

獨孤楷

乞伏慧

張威

和洪

侯莫

陳穎

隋書第五十六卷

列傳卷二十一

盧愷

令狐熙

薛胄

宇文弼

張衡

楊汪

隋書第五十七卷

列傳卷二十二

盧思道從父兄曰衡

季元操

薛道衡

隋書第五十八卷

列傳卷二十三

明克讓

魏澹

陸爽侯曰

杜臺卿

辛德源

柳謩

許善心

李文博

隋書第五十九卷

列傳卷二十四○煬三子傳

元德太子昭 齊王暕

趙王杲

隋書第六十卷

列傳卷二十五

崔仲方

于仲文兄顓從父弟

段文振

隋書第六十一卷

列傳卷二十六

宇文述

郭衍

隋書第六十二卷

列傳卷二十七

王韶

元巖

劉行本

梁毗

柳殘

趙綽

裴蕭

隋書第六十三卷

列傳卷二十八

樊子蓋

史祥

元壽

楊義臣

衛玄

劉權

隋書第六十四卷

列傳卷二十九

李圓通

陳茂

張定和

張彞

麥鐵杖

沈光

來護兒

魚俱羅

陳稜

王辯 斛斯萬善

隋書第六十五卷

列傳卷三十一

周羅暉

周暹尚

李景

慕容三藏

薛世雄

王仁恭

權武

吐萬緒

董純

趙才

隋書第六十六卷

列傳卷三十一

李諤

鮑宏

裴政

柳莊

源師

卽茂

高構

張虔威

榮毗

陸知命

房彥謙

隋書第六十七卷

列傳卷三十二

虞世基

裴蘊

裴矩

隋書第六十八卷

列傳卷三十三

宇文愷

閻毗

何稠

隋書第六十九卷

列傳卷三十四

王劭

袁充

隋書第七十卷

列傳卷三十五

楊玄感

李子雄
斛斯政

趙元叔
劉元振

李密

裴仁基

隋書第七十一卷

誠節傳卷三十六

劉弘

皇甫誕

陶謨 敬劄

游元

馮慈明

張須陀

楊善會

獨孤盛

元文都

盧楚

劉子翊

堯君素

陳孝意 張季珣 松贊

隋書第七十二卷

孝義傳卷三十七

陸彥師

田德懋

薛睿

王頌

楊慶

郭儻

田翼

紐回

劉仕儁

郎方貴

翟普林

李德饒

華秋

徐孝肅

隋書第七十三卷

行吏傳卷三十八

梁彥光

樊叔略

趙軌

房恭懿

公孫景茂

辛公義

柳儉

郭均 敬肅

劉曠

王伽

魏德深

隋書第七十四卷

酷吏傳卷二十九

庫狄士文

田式

燕榮

趙仲卿

崔弘度 弟弘昇 元弘嗣

王文向

隋書第七十五卷

儒林傳卷四十

元善

辛彥之

何妥

蕭該 包愷

房暉遠

馬光

劉焯

劉炫

禿焯 張冲

顧彪 魯世達 王孝籍

隋書第七十六卷

文學傳卷四十一

劉臻

王頰

崔儼

諸葛穎

孫萬壽

王貞

虞綽

王胄

庾自直

潘徽

杜正玄

弟正藏

隋書第七十七卷

隱逸傳卷四十二

李士謙

崔廓

子贖

徐則

張文詡

隋書第七十八卷

藝術傳卷四十三

庾秀才

盧太翼

耿詢

韋鼎

來和

蕭吉

楊伯醜

臨孝恭

劉祐

張胄玄

許智藏

萬寶常

隋書第七十九卷

外戚傳卷四十四

獨孤羅 善陀

蕭歸 子琯 琮弟 琰

隋書第八十卷

列女傳卷四十五

蘭陵公主

南陽公主

襄城王妃

華陽王妃

譙國夫人

鄭善果母

孝女王舜

韓悅妻

陸襄母

劉昶女

鍾士雄母

孝婦覃氏

元務光母

裴倫妻

趙元楷妻

隋書第八十一卷

東夷傳卷四十六

高麗

百濟

新羅

韓靺

流末

倭國

隋書第八十二卷

南蠻傳卷四十七

林邑

赤土

真臘

婆利

隋書第八十三卷

西域傳卷四十八

吐國渾

党項

高昌

康國

安國

石國

女國

焉耆

龜茲

疎勒

于闐

鍚汗

吐火羅

挹怛國

米國

史國

曹國

何國

烏那曷

穆國

波斯

漕國

附國

隋書第八十四卷

北狄傳卷四十九

突厥

西突厥

鐵勒

奚

契丹 靺鞨

室韋

隋書第八十五卷

列傳卷五十

宇文化及

弟智及司馬德戡
裴凌通

王充 段達

隋書目錄

隋書卷之一



帝紀一

高祖上

特進 魏徵



高祖文皇帝姓楊氏諱堅弘農郡華陰人也漢太尉震八代孫鉉仕燕為北平太守鉉生元壽後魏代為武川鎮司馬子孫因家焉元壽生太原太守惠嘏嘏生平原太守烈烈生寧遠將軍禎禎生忠忠即皇考也皇考從周太祖起義關西賜姓普六茹氏位至柱國大司空隋國公薨贈太保謚曰桓皇妣呂氏以太統七年六月癸丑夜生高祖於



馮翊般若寺紫氣充庭有尼來自河東謂皇妣曰此兒所從來甚異不可於俗間處之尼將高祖舍於別館躬自撫養皇妣嘗抱高祖忽見頭上角出徧體鱗起皇妣大駭墜高祖於地尼自外入見曰已驚我兒致今晚得天下爲人龍額額上有五柱入頂目光外射有文在手曰王長上短下沉深嚴重初入太學雖至親昵不敢狎也年十四京兆尹薛善辟爲功曹十五以太祖勲授散騎常侍車騎大將軍儀同三司封成紀縣公十六遷驃騎大將軍加開府周太祖見而歎曰此兒風骨不似代間人明帝即位授右小

宮伯進封大興郡公帝嘗遣善相者趙昭視之昭詭對曰不過作柱國耳旣而陰謂高祖曰公當爲天下君必大誅殺而後定善記鄙言武帝即位遷左小宮伯出爲隋州刺史進位大將軍後徵還遇皇妣寢疾三年晝夜不離左右代稱純孝宇文護執政尤忌高祖屢將害焉大將軍侯伏侯弇等匡護得免其後龍襲爵隋國公武帝娉高祖長女爲皇太子妃益加禮重齊王憲言於帝曰普六茹堅相貌非常臣每見之不覺自失恐非人下請早除之帝曰此止可爲將耳內史王軌驟言於帝曰皇太子非社稷主普六茹

堅貌有反相帝不悅曰必天命有在將若之何高祖甚懼
深自晦匿建德中率水軍三萬破齊師於河橋明年從帝
平齊進位柱國宇文憲破齊任城王高潛於冀州除定州
總管先是定州城西門人閉不行齊文宣帝時或請開之
以便行路帝不許曰當有聖人來啓之及高祖至而開焉
莫不驚異尋轉亳州總管宣帝即位以后父徵拜上柱國
大司馬大象初遷大後丞右司武俄轉大前疑每巡幸相
委居守時帝為刑經聖制其法深刻高祖以法令滋章非
興化之道切諫不納高祖位幼益隆帝頗以為忌帝有四

幸姬並為皇后諸家爭寵數相毀譖帝每忿怒謂后曰必
滅族爾家因召高祖命左右曰若色動即殺之高祖既至
容色自若乃止大象二年五月以高祖為揚州總管將發
秦有反意下東行乙未帝崩時靜帝幼冲未能親理政事
丙申上元天云漢高祖正太六劉昉以高祖皇后之父眾望
所歸遂立高祖入為朝政都督內外諸軍事周氏諸
王在後高祖又稱上招將嫁女於突厥為
詞以遣之周帝拜高祖假黃鉞左大丞相
百官皆賀高祖為丞相府以鄭譯為長史劉

昉為司馬具實奏佐宣帝時刑政苛酷羣心崩駭莫有固志至是高祖六宗惠政法令清簡躬履節儉天下悅之六月趙王招陳王純越王達代王盛滕王道並至于長安相州總管尉遲迥自以重臣宿將志不能平遂舉兵東夏趙魏之士從者若流旬日之間衆至十餘萬又宇文胄以榮州石慈以建州席毗以沛郡毗弟義羅以兗州皆應於迥迥遣子質於陳請援高祖命上柱國鄭國公韋孝寬討之雍州牧畢王賢及趙陳王等五王以天下之望歸於高祖因謀作亂高祖執賢斬之寢趙王等之罪因詔五王劔履

上殿入朝不趨用安其心七月陳將陳紀蕭摩訶等寇廣陵吳州總管子顓轉擊破之廣陵人杜喬生聚衆反刺史元義討平之韋孝寬破尉遲迥於相州傳首闕下餘黨悉平初迥之亂也鄭州總管司馬消難據州響應淮南州縣多同之命襄州總管王誼討之消難奔陳荆郢羣蠻乘釁作亂命亳州總管賀若誼討平之先是上柱國王謙為益州總管既見幼主在位政由高祖遂起巴蜀之衆以匡復為辭高祖方以東夏山南為事未遑致討謙進兵屯劔閣陷始州至是乃命行軍元帥上柱國梁睿討平之傳首闕

下巴蜀阻險人好爲亂於是更開平道毀劔閣之路立銘
垂誠焉五王陰謀滋甚高祖齎酒肴以造趙王第欲觀所
爲趙王伏甲以宴高祖高祖幾危賴元胄以濟語在胄傳
於是誅趙王招越王盛九月以世子勇爲洛州總管東京
小冢宰壬子周帝詔曰假黃鉞使持節左大丞相都督內
外諸軍事上柱國大冢宰隋國公堅感山河之靈應星辰
之氣道高雅俗德協幽顯釋巾登仕搢紳傾屬開物成務
朝野承風受詔先皇弼諧寡薄合天地而生萬物順陰陽
而撫四夷近者內有艱虞外聞妖寇以鷹鷂之志運帷帳

之謀行兩觀之誅掃萬里之外遐邇清肅實所賴焉四海
之廣百官之富俱稟大訓咸臻至道治定功成棟梁斯托
神猷盛德莫二於時可授大丞相罷左右丞相之官餘如
故冬十月壬申詔贈高祖烈爲柱國太保都督徐充
等十州諸軍事徐州刺史隋國公謚曰康祖禎爲柱國太
傅都督襄陽等十三州諸軍事同州刺史隋國公謚曰獻
考忠爲上柱國太師大冢宰都督龔定等十三州諸軍事
雍州牧法陳王統終西上柱國鄭國公韋孝寬卒十一月
辛未誅代王遼王道十二月甲子周帝詔曰天大地大

合其德者聖人一陰一陽調其氣者上宰所以降神載挺
陶鑄羣生代蒼蒼之工成巍巍之業假黃鉞使持節大丞
相都督內外諸軍事上柱國大冢宰隋國公應百代之期
當千齡之運家隆台鼎之盛門有翊贊之勤心同伊尹必
致堯舜情類孔丘憲章文武爰初入仕風流映世公卿仰
其軌物措紳謂爲師表入處禁闈出居藩政芳猷茂績問
望彌遠往平東夏人情未安燕南趙北實爲天府擁節杖
旄任當連率柔之以德導之以禮畏之若神仰之若日芳
風美迹歌頌獨存淮海榛蕪多歷年代作鎮南鄙選衆惟

貞威震殊俗化行黔首任掌鈞陳職司邦政國之大事朝
寄更深鑾駕巡遊留臺務廣周公陝西之任僅可爲倫漢
臣關內之重未足相況及天崩地圻先帝升遐朕以眇年
奄經荼毒親受顧命保乂皇家姦人乘隙潛圖宗社無君
之意已成竊發之期有日英規潛運大略川迴匡國庇人
罪人斯得兩河遘亂三魏稱兵半天之下洶洶鼎沸祖宗
之基已危生人之命將殆安陸作釁南通吳越蜂飛蠆聚
江漢騷然巴蜀鴟張蕃將問鼎秦塗更阻漢門重閉畫壽
帷帳建出師三將稟其謀壯士感其義不違時日咸得

清高功勳... 師師四門穆穆光景照臨
之地... 歸心... 輒... 以... 部內外諸... 鄭州之安... 淮... 州之平... 昌州之廣... 昌申州之義... 陽淮安息

州之新蔡建安豫州之汝南臨穎廣寧初安蔡州之蔡陽
鄧州之漢東二十郡為隋國劍履上殿入朝不趨贊拜不
名備九錫之禮加璽紱遠遊冠相國印綠綬綬位在諸侯
王上隋國置丞相已下一依舊式高祖再讓不許乃受王
爵十郡而已詔進皇祖考爵並為王夫人為王妃辛巳司
馬消難以陳師寇江州刺史成休寧擊却之大定元年春
二月壬子今日已前賜姓皆復其舊是日周帝詔曰伊周
作輔不辭殊禮之錫桓文為霸允應異物之典所以表格
天之勳彰不代之業相國隋王前加典策式昭大禮固守

謙光綵言未綉宜申顯命一如往昔王功必先人賞存後
已退讓為本誠垂朕意宜命百辟盡詣王宮衆心克感必
令允納如有表奏勿復通聞癸丑文武百官詣閣敦勸高
祖乃受甲寅策曰咨爾假黃鉞使持節大丞相都督內外
諸軍事上柱國大冢宰隋王天覆地載藉人事以財成日
往月來由王道而盈昊五氣陶鑄萬物流形誰代上玄之
工斯則大聖而已曰惟先正翊亮皇朝種德積善載誕上
相精采不代風骨異人匡國濟時除凶撥亂百神奉職萬
國宅心發相以先知悟人周輔乃弘道於代方斯茂如也

今將授王典禮其敬聽朕命朕以不德早承丕緒上靈降
禍夙遭愍凶妖醜覲覲密圖杜稷宮省之內疑慮驚心公
受命先皇志在匡弼輯諧內外潛運機衡姦人懾憚謀用
丕顯俾贊旒之危為泰山之固是公重造皇室作霸之基
也伊我祖考之代任寄已深入掌禁兵外司藩政文經武
畧以播朝野戎軒大舉長驅晉魏平陽震熊羆之勢冀部
耀貔豹之威初平東夏人情未一叢臺之北易水之南西
距并陞東至滄海比數千里舉袂如帷委以連城建旌杖
節教因其俗刑用輕典如泥從印猶草隨風此又公之功

也吳越不實多歷年代淮海之外時非國有爰整其旅出
鎮於亳武以威物文以懷遠群盜自奔外戶不閉人黎慕
義襁負而歸自北之風化行南國此又公之功也宣帝御
寓任重宗臣入典八屯外司九伐禁衛勤巡警之務治兵
得蒐狩之禮此又公之功也蓋駕遊幸頻委留臺文武注
意軍國諮稟萬事咸理反顧無憂此又公之功也朕在諒
闇公實總已盤石之崇茲回者衆招引無賴連結群小往
者國衰甫爾已創陰謀積惡數旬昆吾方稔泣誅罄甸宗
廟以寧此又公之功也尉迴猖狂稱兵鄴邑欲長戟而指

北闕強弩而圍南斗憑陵三魏之間震驚九州之半聚徒
百萬悉成蛇豕淇水洹水一飲而竭人之死生翻繫凶豎
壽之長短不由司命公乃戒彼鷹揚出車練卒誓蒼兕於
河朔建瓴水於東山口授兵書手畫行陣量敵制勝指日
剋期諸將遵其成旨壯士感其大義輕死忘生轉聞千里
旗鼓奮發如火燎毛玄黃變漳河之水京觀比爵臺之峻
百城氛祲一旦廓清此又公之力也青土連率跨據東秦
藉負海之饒倚連山之險望三輔而將遂鹿指六國而顧
連雞風雨之兵助鬼爲虐本根既拔技業自殞屈法申恩

示以大信此又公之力也申部殘賊充斥一隅繩飛蟻聚
攻州略地播以玄澤迷更知反服而令之無費遺鏃此又
公之功也宇文胄親則宗枝外藩蔽三影響鄴賊有同就
燥迫脅吏人叛換城戍偏師討滅逐入網羅東之武牢有
同圖圍事窮將軍如伏國刑此又公之功也擅讓席毗擁
衆河外陳韓梁鄭鄒魯村落成官宋境之墟人庶爲豺狼之
餌強以陵弱大則吞小城有書囂剛巷無行人授律出師隨
機掃定讓旣授首毗亦梟懸此又公之功也司馬消難與
國親姻作鎮安陸性多嗜欲意以貧賈屬城子女劫掠靡

餘部人貨財多少具罄擅誅刺舉之使專殺儀台之臣懼
罪畏威動而內異蠶食郡縣鳩毒華夷聞有王師自招南
裔帝唐崇山之罰僅可方此大漢流禦之刑是亦相匹逋
逃入數荆郢用安此又公之功也王謙在蜀翻爲厲階閉
劍閣之門塞靈關之宇自謂五丁復起萬夫莫向分閭推
轂嘗不踰時風馳席卷一舉大定擒斬兇惡掃地無遺此
又公之功也陳頊因循爲業自擅金陵屢遣醜徒越起江
北公指麾藩鎮無不摧殄方置文深之柱非止尉佗之拜
此又公之功也公有濟天下之勤重之以明德始於辟命

屈已登庸素業清徽聲掩廊廟雄規神略氣蓋朝野序百
揆而穆四門取一匠之舉九合尊賢崇德尚齒貴功錄舊
旌善興亡繼絕寬猛相濟彝倫攸叙敦睦帝親崇獎王室
星象不圯陰陽自調玄冥祝融如奉太公之召兩師風伯
似應成王之宰祥風佳氣觸石搖林瑞獸異禽遊園鳴閣
至功至德可大可久盡品物之和究杳冥之極朕又聞之
昔者明王設官胙土營邑四履得征五侯參墟寵章異其
禮物故藩屏作固垂拱垂具成沉嘿巖廊不下堂席公道
徃烈賞薄前王朕以眇身託于兆人之上求諸故實甚用

懼焉往加大典憲章在昔謙以自牧未應朝禮日月不居
便已隔歲時談物議其謂朕何今進授相國總百揆以申
州之義陽等二十郡為隋國今命使持節太傅上柱國杞
國公椿大宗伯大將軍金城公趙嬰授相國印綬相國禮
絕百辟任摠群官舊職常典宜與事革昔堯臣太尉舜佐
司空姬旦相周霍光輔漢不居藩國唯在天朝其以相國
綬百揆去衆號馬上所假節大丞相大家宰印綬又加九
錫其敬聽朕後命以公執律脩德慎獄恤刑為其訓範人
無異志是用錫公大輅戎輅各一玄牡二駟公動心地利

所寶人天崇本務農公私殷阜是用錫公衮冕之服赤舄
副焉公樂以移風雅以變俗遐迩胥悅天地咸和是用錫
公軒懸之樂六佾之舞公仁風德教覃及海隅荒忽幽遐
廻首內向是用錫公朱戶以居公水鏡人倫銓衡庶職能
官流詠遺賢必舉是用錫公納陛以登公執鈞於內正性
率下犯義無禮罔不屏黜是用錫公武賁之士三百人公
元本闕 是用錫公鈇鉞各一公威嚴夏日精厲秋霜猾夏
必誅顧眄天壤掃清姦究折衝無外是用錫公彤弓一彤
矢百盧弓十盧矢千惟公孝通神明肅恭祀典尊嚴如在

情切幽明是用錫公秬鬯一卣珪瓚副焉隋國置丞相以
下一遵舊式往欽哉其敬循往策祗服大典簡恤爾庶功
對揚我太祖之休命於是建臺置官景辰詔王冕十有二
旒建天子旌旗出警入蹕乘金根車駕六馬備五時副車
置旄頭雲罕樂舞八佾設鐘虞宮懸王妃為王后長子為
太子前後三讓乃受俄而周帝以衆望有歸乃下詔曰元
氣肇闢樹之以君有命不恒所輔惟德天心人事選賢與
能盡四海而樂推非一人而獨有周德將盡妖孽遮生骨
肉多虞藩維構象影響同惡過半區宇或小或大圖帝圖

王則我祖宗之業不絕如線相國隋王獻聖自天英華獨
秀刑法與禮儀同運文德共武功俱遠愛萬物其如已任
兆庶以為憂手運機衡躬命將士芟夷茲寇刷蕩氛祲化
通冠帶威震幽遐虞舜之大功二十未足相比姬發之合
位三五豈可足論况木行已謝火運既興河洛出革命之
符星辰表代終之象烟雲改色笙簧變音獄訟咸歸謳歌
盡至且天地合德日月貞明故以稱大為王照臨下土朕
雖寡昧未達變通幽顯之情皎然易識今便祇順天命出
遜別宮禪位於隋一依唐虞漢魏故事高祖三讓不許遣兼太

博上柱國杞國公椿奉冊曰咨爾相國隋王粵若上古之
初爰啓清濁降符授聖為天下君事上帝而理兆人和百
靈而利萬物非以區寓之富未以宸極為尊太庭軒轅以
前驪連赫胥之日咸以無為無欲不將不迎遐哉其詳不
可聞已厥有載籍遺文可觀聖莫逾於堯美未過於舜堯
得太尉已作運衡之篇舜遇司空便叙精華之竭彼褰裳
脫屣貳宮設饗百辟歸禹若帝之初斯蓋上則天時不敢
不授下祇天命不可不受湯代於夏武革於殷干戈揖讓
雖復異揆應天順人其道靡異自漢迄晉有魏三周天曆

逐獄訟之歸神鼎隨謳歌之去道高者稱帝錄盡者不王
與夫文祖神宗無以別也周德將盡禍難頻興宗威姦回
威特竊發顧瞻三闕將圖宗社藩維連率逆亂相尋搖蕩
三方不合如礪石之行而獲投足無所王受天明命叡德在
躬救頹運之艱巨墜地之業拯大川之溺撲燎原之火除
羣凶於城社廓妖氛於遠服至德合於造化神用洽於天
壤八極九野萬方四裔圓首方足罔不樂推在歲長星夜
掃經天晝見八風比夏后之作五緯同漢帝之聚除舊之
徵昭然在上近者赤雀降祉玄龜効靈鍾石變音蛟魚出
穴布新之貺煥然在下九區歸往百靈協贊人神屬望我
不獨知仰祇皇靈俯順人願今敬以帝位禪於爾躬天祚
告窮天祿永終於戲王宜允執厥和儀刑典訓升圓立而
敬蒼昊御皇極而撫黔黎副率土之心恢無疆之祚可不
盛歟遣大宗伯大將軍金城公趙貜奉皇帝璽綬百官勸
進高祖乃受焉

開皇元年二月甲子上自相府常服入宮備禮即皇帝位
於臨光殿設壇於南郊遣使柴燎告天是日告廟大赦改
元京師慶雲見易周式官儀依漢魏之舊以柱國相國司

馬渤海為尚書左僕射兼納言相國司錄沁源
縣公盧惠為尚書左僕射兼吏部尚書相國司錄咸安縣男
李德林為尚書左僕射兼吏部尚書相國司錄咸安縣男
上開府義寧縣公元曠為都官尚書開府民部尚書昌國
縣公元巖為兵部尚書上儀同司宗長孫毗為工部尚書
上儀同司會楊尚希為度支尚書上柱國雍州牧邗國公
楊惠為左衛大將軍乙丑追尊皇考為武元皇帝廟號太
祖皇妣為元明皇后遣八使巡省風俗丙寅修廟社立王
石獨孤氏為皇后壬子太子勇為皇太子丁卯以大將軍金

城郡公趙明為尚書右僕射上開府濟陽侯伊婁彥恭為
左武侯大將軍己巳以周帝為介國公邑五千戶為隋室
賓禮車服禮樂一如其舊上書不為表答表不稱詔周
氏諸王盡降為公辛未以皇弟同安郡公爽為雍州牧乙
亥封皇弟邵國公慧為滕王同安公爽為衛王皇子鴈門
公廣為晉王俊為秦王秀為越王諒為漢王以上柱國并
州總管申國公李穆為太師上柱國鄧國公竇熾為太傅
上柱國幽州總管任國公于翼為太尉觀國公田仁恭為
太子太師武德郡公柳敏為太子太保濟南郡公孫恕為

太子少傅開府蘇威為太子少保丁丑以晉王廣為并州總管以陳留郡公楊智積為蔡王興城郡公楊靜為道王戊寅公官牛五千頭分賜貧人三月辛巳高平獲赤雀太原獲蒼烏長安獲白雀各一宣仁門槐樹連理衆枝內附壬午白狼國獻方物甲申太白晝見乙酉又晝見以上柱國元景山為安州總管丁亥詔大馬器玩口味不得獻上戊子弛山澤之禁以上開府當寧縣公賀若弼為楚州總管和州刺史新義縣公韓擒虎為廬州總管己丑蓋屋縣獻連理樹植之宮庭辛卯以上柱國神武郡公竇毅為定

州總管戊戌以太子少保蘇威兼納言吏部尚書餘官如故庚子詔曰自古帝王受終革代建侯錫爵多與運遷應錄受圖君臨海內載懷公革事有不同然則前帝後王俱在兼濟立功立事爵賞仍行苟利於時其致一揆何謂物我之異無計今古之殊其前代品爵悉可依舊丁未梁主蕭巋使其太子蕭巖司空劉義來賀四月辛巳大赦壬午太白歲星晝見戊戌太常散樂並放為百姓禁雜樂百戲辛丑陳散騎常侍王瑳來聘于周至而上巳受禪致之介國是月發稽胡修築長城二旬而罷五月戊子封邗國

公楊雄為廣平王永康郡公楊弘為河間王辛未介國公
薨上舉哀於朝堂以其族人洛嗣焉六月癸未詔以初受
天命赤雀降祥五德相生赤為火色其郊及社廟依服冕
之儀而朝會之服旗幟犧牲盡令上赤戎服以黃秋七月
乙卯上始服黃百寮畢賀庚午靺鞨酋長貢方物八月壬
午廢東京官突厥阿波可汗遣使貢方物甲午遣行軍元
帥樂安公元諧擊吐谷渾於青海破而降之九月戊申戰
亡之安遣使振給庚午陳將周羅暎攻陷胡墅蕭摩訶寇
江北辛未以越王秀為益州總管改封為蜀王壬申以上

柱國薛國公長孫覽上柱國宋文公元景山並為行軍元
帥以伐陳仍命尚書左僕射高潛節度諸軍突厥沙鉢略
可汗遣使貢方物是月行五銖錢冬十一月乙酉百濟王扶
餘昌遣使來賀授昌上開府儀同三司帶方郡公戊子行
新律壬辰行幸岐州十一月乙卯以永昌郡公竇榮定為
右武侯大將軍丁卯遣兼散騎侍郎鄭樞使於陳己巳有
流星聲如墮牆光燭于地十二月戊寅以申州刺史爾朱
敞為金州總管甲申以禮部尚書韋世康為吏部尚書己
丑以柱國元袞為鄜州總管興勢郡公衛玄為淮州總管

庚子至自岐州戊寅高麗王高陽遣使朝貢授陽大將軍
遼東郡公太子太保柳敏卒。二年春正月癸丑幸上柱
國王誼第庚申幸安成長公主第陳宣帝殂子叔寶立辛
酉置河北道行臺尚書省於并州以晉王廣爲尚書令置
河南道行臺尚書省於洛州以秦王俊爲尚書令置西南
道行臺尚書省於益州以蜀王秀爲尚書令戊辰陳遣使
請和歸我胡墅辛未高麗百濟並遣使貢方物甲戌詔舉
賢良二月己丑詔高頴等班師庚寅以晉王廣爲左武衛
大將軍秦王俊爲右武衛大將軍餘官並如故辛卯幸趙

國公獨孤陀弟庚子京師雨土三月戊申開渠引杜陽水
於三時原四月丁丑以寧州刺史竇燾定爲左武侯大將
軍庚寅大將軍韓僧壽破突厥於雞頭山上柱國李充破
突厥於河北山五月戊申以上柱國開府長孫平爲度支
尚書己酉早上親省因徙其日大雨己未高寶寧寇平州
突厥入長城庚申以豫州刺史皇甫績爲都官尚書壬戌
太尉任國公于翼薨甲子改傳國璽曰受命璽六月壬午
以太府卿蘇孝慈爲兵部尚書雍州牧衛王爽爲原州總
管甲申使使弔於陳國乙酉上柱國李充破突厥於馬邑

戊子以上柱國叱李長義爲蘭州總管辛卯以上開府爾
朱敞爲徐州總管丙申詔曰朕祇奉上玄君臨萬國屬生
人之弊處前代之宮常以爲作之者勞居之者逸改創之
事心未遑也而王公大臣陳謀獻策咸云義農以降至于
姬劉有當代而屢遷無革命而不從曹馬之後時見因循
乃末代之宴安非往聖之宏義此城從漢凋殘日久屢爲
戰場舊經喪亂今之宮室事近權宜又非謀筮從龜瞻星
揆日不足建皇王之邑合大衆所聚論變通之數具幽顯
之情同心固請詞情深切然則京師百官之府四海歸向

非朕一人之所獨有苟利於物豈可違乎且殷之五遷恐
人盡死是則以吉凶之士制長短之命謀新去故如農望
秋雖暫劬勞其究安宅今區宇寧一陰陽順序安安以遷
勿懷胥怨龍首山川原秀麗卉物滋阜上食相土宜建都
立定鼎之基永固無窮之業在斯公私府宅規模遠近營
構資費隨事條奏仍詔左僕射高頴將作大匠劉龍鉅鹿
郡公賀婁子幹太府少卿高龍義等創造新都秋八月癸
巳以左武侯大將軍竇榮定爲秦州總管十月癸酉皇太
子勇屯兵咸陽以備胡庚寅上疾愈享百寮於觀德殿賜

錢帛皆任其自取盡力而出辛卯以營新都副監賀婁子
幹為工部尚書十一月丙午高麗遣使獻方物十二月辛
未上講武於後園甲戌上柱國竇毅卒丙子名新都曰大
興城乙酉遣沁源公虞慶則屯弘化備胡突厥寇周槃行
軍總管達奚長儒擊之為虜所敗丙戌賜國子生經明者
束帛丁亥親錄囚徒

三年春正月庚子將入新都大赦天下禁大刀長稍癸亥
高麗遣使來朝二月己巳朔日有蝕之壬申宴北道勳人
癸酉陳遣兼散騎常侍賀徹兼通直散騎常侍蕭德乘聘

突厥寇邊甲戌涇陽獲毛龜癸未以左衛大將軍李禮成
為右武衛大將軍三月丁未上柱國鮮虞縣公謝慶恩卒
己酉以上柱國達奚長儒為蘭州總管丙辰雨常服入新
都京師醴泉出丁巳詔購求遺書於天下庚申宴百寮班
賜各有差癸亥城榆關夏四月己巳上柱國建平郡公
于義卒庚午吐谷渾寇臨洮洮州刺史皮子信死之辛未
高麗遣使來朝壬申以尚書右僕射趙暉兼內史令丁酉
以滕王瓚為雍州牧己卯衛王爽破突厥於白道庚辰行
軍總管陰壽破高寶寧於黃龍甲申早上親祈雨於國城

之西南丙戌詔天下勸學行禮以濟北郡公梁遠為汶州
總管己丑陳郢州城主張子譏遣使請降上以和好不納
辛卯遣兼散騎常侍薛奇兼通直散騎常侍王劭使於陳
癸巳上親雩甲午突厥遣使來朝五月癸卯行軍總管李
晃破突厥於摩那渡口甲辰高麗遣使來朝乙巳梁太子
蕭琮來賀遷都丁未靺鞨貢方物戊申幽州總管陰壽卒
辛酉有事於方澤壬戌行軍元帥竇榮定破突厥及吐谷
渾於涼州丙寅赦黃龍死罪己下六月庚午以衛王爽子
集為遂安郡王戊寅突厥遣使請和庚辰行軍總管梁遠

破吐谷渾於爾汗山斬其名王壬申以晉州刺史燕榮為
青州總管己丑以河間王弘為寧州總管乙未幸安成長
公主第秋七月辛丑以豫州刺史周搖為幽州總管壬戌
詔曰行仁蹈義名教所先厲俗敦風宜先褒獎往者山東
河表經此妖亂孤城遠守多不自全濟陰太守杜猷身陷
賊徒命懸寇手郡省事范臺政傾產營護免其戮辱眷言
誠節實有可嘉宜超恒賞用明沮勸臺政可大都督假湘
州刺史丁卯日有蝕之八月丁丑靺鞨貢方物己卯以右
武衛大將軍李禮成為襄州總管壬午遣尚書左僕射高

頌出寧州道內史監虞慶則出原州道並爲行軍元帥以
擊胡戊子上有事於太社九月壬子幸城東觀稼穀癸丑
大赦天下冬十月甲戌廢河南道行臺省以秦王俊爲秦
州總管十一月己酉發使巡省風俗因下詔曰朕君臨區
宇深思治術欲使生人從化以德代刑求草萊之善旌閭
里之行民間情僞咸欲備聞已詔使人所在振恤揚鑲分
路將遍四海必令爲朕耳目如有文武才用未爲時知宜
以禮發遣朕將銓擢其有志節高妙越等超倫亦仰使人
就加旌異令一行一善獎勸於人遠近官司遐邇風俗巨

細必紀還日奏聞庶使不出戶庭坐知萬里庚辰陳遣散
騎常侍周墳通直散騎常侍袁彥來聘陳主知上之貌異
世人使彥畫像持去甲午罷天下諸郡閏十二月乙卯遣
兼散騎常侍曹令則通直散騎常侍魏濬使於陳戊午以
上柱國實榮定爲右武衛大將軍刑部尚書蘇威爲民部
尚書

四丘春正月甲子日有蝕之己巳有事於太廟辛未有事
於南郊壬申梁王蕭歸來朝甲戌大射於北苑十日而罷
壬午齊州水辛卯渝州獲獸似麋一角同蹄壬辰班新曆

二月乙巳上餞梁主於霸上丁未靺鞨貢方物突厥蘇尼
部男女萬餘人來降庚戌幸隴州突厥可汗阿史那玷率
其屬來降夏四月己亥勅總管刺史父母及子年十五已
上不得將之官庚子以吏部尚書虞慶則爲尚書右僕射
瀛州刺史楊尚希爲兵部尚書毛州刺史劉仁恩爲刑部
尚書甲辰以上柱國叱李長義爲信州總管丁未宴突厥
高麗吐谷渾使者於大興殿丁巳以上大將軍賀婁子幹
爲榆關總管五月癸酉契丹主莫賀弗遣使請降拜大將
軍丙子以柱國馮昱爲汾州總管乙酉以汴州刺史呂仲

泉爲延州總管六月庚子降囚徒乙巳以鴻臚卿乙弗寔
爲異州總管上柱國豆盧勳爲夏州總管壬子開渠白渭
運門以通運漕戊午秦王俊來朝秋七月丙寅陳遣兼散
騎常侍謝泉兼通直散騎常侍智德基來聘八月甲午遣
十使巡省天下戊戌衛王爽來朝是日以秦王俊納妃宴
百寮班賜各有差壬寅上柱國太傅鄧國公竇熾薨丁未
宴秦王官屬賜物各有差壬子享陳使乙卯陳將夏侯苗請
降以通和不納九月甲子幸襄國公主第乙丑幸霸水觀
漕渠賜督役者帛各有差己巳上親錄囚徒庚午契丹內

附甲戌駕幸洛陽關內飢也癸未太白晝見冬十一月壬戌遣兼散騎常侍薛道衡通直散騎常侍豆盧寔使於陳癸亥以榆關總管賀婁子幹爲雲州總管

五年春正月戊辰詔行新禮三月戊午以尚書左僕射高頴爲左領軍大將軍上柱國宇文忻爲右領軍大將軍夏四月甲午契丹主多彌遣使貢方物壬寅上柱國王誼謀反伏誅乙巳詔徵山東馬榮伯等六儒戊申車駕至自洛陽五月甲申詔置義倉梁主蕭歸俎其太子琮嗣立遣上大將軍元契使于突厥阿波可汗秋七月庚申陳遣兼散

騎常侍王詒兼通直散騎常侍阮卓來聘丁丑以上柱國宇文慶爲涼州總管壬午突厥沙鉢略上表稱臣八月丙戌沙鉢略可汗遣子庫合真特勒來朝甲辰河南諸州水遣民部尚書邳國公蘇威賑給之戊申有流星數百四散而下己酉幸栗園九月丁巳自至栗園乙丑改鮑陂曰杜陂霸水爲滋水陳將湛文徹冠和州儀同三司費寶首獲之丙子遣兼散騎常侍李若兼通直散騎常侍崔君瞻使於陳冬十月壬辰以上柱國楊素爲信州總管朔州總管吐萬緒爲徐州總管十一月甲子以大將軍源雄爲朔州

總管丁卯晉王廣來朝十二月丁未降囚徒戊申以上柱國達奚長孺爲夏州總管

六年春正月甲子党項羌內附庚午班曆於突厥辛未以柱國韋洸爲安州總管壬申遣民部尚書蘇威巡省山東二月乙酉山南荆浙七州水遣前工部尚書長孫毗振恤之丙戌制刺史上佐每歲暮更入朝上考課丁亥發丁男十一萬修築長城二旬而罷乙未以上柱國崔弘度爲襄州總管庚子大赦天下三月己未洛陽男子高德上書請上爲太上皇傳位皇太子上曰朕承天命撫育蒼生日旰

孜孜猶恐不逮豈學近代帝王事不師古傳錄十自求逸樂者哉癸亥突厥沙鉢略遣使貢方物夏四月己亥陳遣兼散騎常侍周確兼通直散騎常侍江椿來聘秋七月辛亥河南諸州水乙丑京師兩毛如馬鬣尾長者二尺餘短者六七寸八月辛卯關內七州旱免其賦稅遣散騎常侍裴豪兼通直散騎常侍劉顓聘于陳戊申上柱國太師申國公李穆薨閏月己酉以河州刺史段文振爲蘭州總管丁卯皇太子鎮洛陽辛未晉王廣秦王俊並來朝丙子上柱國鄴國公梁士彥上柱國杞國公宇文忻柱國舒國公

劉昉以謀反伏誅上柱國許國公宇文善坐事除名九月
辛巳上素服御射殿詔百寮射賜梁士彥三家資物丙戌
上柱國宋安郡公元景山卒庚子以上柱國李詢為隰州
總管辛丑詔大象已來死事之家咸令振恤冬十月己酉
以河北道行臺尚書令并州總管晉王廣為雍州牧餘官
如故兵部尚書楊尚希為禮部尚書癸丑置山南道行臺
尚書省於襄州以秦王俊為尚書令丙辰以芳州刺史駱
平難為疊州刺史衡州總管周法尚為黃州總管甲子甘
露降于華林園

七年春正月癸巳有事于太廟乙未制諸州歲貢三人二
月丁巳祀朝日子東郊己巳陳遣兼散騎常侍王亨兼通
直散騎常侍王脊來聘壬申車駕幸醴泉宮是月發
丁男十萬餘修築長城二旬而罷夏四月己酉幸晉王第
庚戌於揚州開山陽瀆以通運漕突厥沙鉢略可汗卒其
子雍虞閭嗣立是為都藍可汗癸亥頒青龍符於東方總
管刺史西方以駱虞南方以朱雀北方以玄武甲戌遣兼
散騎常侍楊同兼通直散騎常侍崔儼使于陳以民部尚
書蘇威為吏部尚書五月乙亥朔日有蝕之己卯雨石于

武安滏陽間十餘里秋七月己丑衛王爽薨上發喪於門
下外省八月丙午以懷州刺史源雄為朔州總管庚申梁
主蕭琮來朝九月乙酉梁安平王蕭巖掠於其國以奔陳
辛卯廢梁國曲赦江陵以梁主蕭琮為柱國封莒國公冬
十月庚申幸同州以先帝所居降囚徒癸亥幸蒲州丙寅
宴父老上極懽曰此間人物衣服鮮麗容止閑雅良由仕
宦之鄉陶染成俗也十一月甲午幸馮翊親祠故社父老
對詔失旨上大怒免其縣官而去戊戌至自馮翊

隋書第一

帝紀一

帝紀第二

隋書三

高祖下

特進臣魏徵上

八年春正月乙亥陳遣散騎常侍袁雅兼通直散騎常侍
周止水來聘二月庚子鎮星入東井辛酉陳人寇硤州三
月辛未上柱國隴西郡公李詢卒壬申以成州刺史姜須
達為會州總管甲戌遣兼散騎常侍程尚賢兼通直散騎
常侍常暉使于陳戊寅詔曰昔有苗不賓唐堯薄伐孫皓

僭虐晉武行誅有陳竊據江表逆天暴物朕初受命陳項
尚存思欲教之以道不以龔行為令往來脩睦望其遷善
時日無幾豐惡已聞厚納叛亡侵犯城戍勾吳閩越肆厥
殘忍于時王師大舉將一車書陳項反地收兵深懷震懼
責躬請約俄而致殞矜其喪禍仍詔班師叔寶承風因求
繼好載佇克念共敦行李每見珪璫入朝輜軒出使何嘗
不發勤曉喻戒以惟新而狼子之心出而彌野威侮五行
怠棄三正誅翦骨肉夷滅才良據手掌之地恣溪壑之險劫
奪閭閻資產俱竭驅蹙內外勞後弗已徵責女子擅造宮

室日增月益止足無期惟淫嬖嬖有踰萬數宝衣玉食窮
奢極侈淫聲樂飲俾晝作夜斬直言之客滅無罪之家剖
人之肝分人之血欺天造惡祭鬼求恩歌儻衢路酣醉宮
闈盛粉黛而執干戈曳羅綺而呼警蹕躍馬振策從旦至
昏無所經營馳走不息負甲持仗隨逐徒行追而不及即
加罪譴自古昏亂罕或能比介士武夫飢寒力役筋髓罄
於土木性命俟於溝渠君子潛逃小人得志家家隱殺戮
各各任聚斂天災地孽物怪人妖衣冠鉗口道路以目傾
心翹足誓告於我日月以異文奏相尋重以背德違言搖

蕩疆場巴峽之下海澨已西江北江南為鬼為蜮死隴窮
發掘之酷生居極攘效之苦抄掠人畜斷截樵蘇市井不
立農事廢寢歷陽廣陵窺覲相繼或謀圖城邑或劫剝吏
人晝伏夜遊鼠竄狗盜彼則羸兵弊卒來必就擒此則重
門設險有勞藩捍天之所覆無非朕臣每聞聽覽有懷傷惻
有梁之國我南藩也其君入朝潛相招誘不顧朕息士女
深迫脅之悲城府致空虛之歎非直朕居人上懷此無忘
既而百辟屢以為言兆庶不堪其請豈容對而不誅忍而
不救近日秋始謀欲弔人益部樓船盡令東騖便有神龍

數十騰躍江流引引路船在則

行則龍去四日之內三軍比比君受之幽明喪事
降神先路協贊軍威以上天之靈助戡定之力便可出師
授律應機誅殛在斯舉也永清吳越其將士糧仗水陸資
須期會進止一准別勅秋八月丁未河北諸州飢遣吏部
尚書蘇威振恤之九月丁丑宴南征諸將頒賜各有差矣
己嘉州言龍見冬十月己亥太白出西方己未置淮南行
臺省於壽春以晉王廣為尚書令辛酉陳遣兼散騎常侍
三琬兼通直散騎常侍許善心來聘拘留不遣甲子將伐

陳有事於太廟命晉王廣秦主俊清河公楊素並為行軍
元帥以伐陳於是晉王廣出六合秦主俊出襄陽清河
楊素出信州荊州刺史劉仁恩出江陵宜陽公王世積出
蕪春新蔡公韓擒出廬江襄邑公賀若弼出吳州落叢公
燕榮出東海合總管九十兵五十二萬八千皆受晉王節
度東接滄海西拒巴蜀旌旗舟楫橫亘數千里曲赦陳國
有星孛于牽牛十一月丁卯車駕餞師詔購陳叔寶器下
柱國高澄公乙亥行幸定城陳師誓眾丙子幸河東十二
月庚子至自河東

九年春正月己巳白虹夾日辛未賀若弼拔陳京口韓
拔陳南豫州癸酉以尚書右僕射虞慶則為右衛大將
丙子賀若弼敗陳師於將山獲其將蕭摩訶韓擒進師
建鄴獲其將任蠻奴獲陳主叔寶陳國平合州三十郡一
日縣四日癸巳遣使持節巡撫之二月乙未廢淮南行臺
百丙申制五百家為鄉正一人百家為里長一人丁酉以
安州總管韋世康為安州總管夏四月己亥辛驪山親勞
師乙巳三軍凱入獻俘於太廟拜晉王廣為太尉庚戌
廣陽門宴將士頒賜各有差辛亥大赦天下己未以

天監一巨尚書孔範散騎常侍王瑳王儀御史中丞沈觀等
邪佞於其王以致亡滅皆投之邊裔辛酉以信州總管楊
素為荊州總管吏部侍郎宇文弼為刑部尚書昱正少卿
楊昱為部尚書壬戌詔曰往以吳越之野羣黎塗炭三
戈方用積習天寧今率土大同含生遂性太平之法方可
流行凡我臣僚潔身浴德開通耳目宜從茲始喪亂已來
緬將十載君無君德臣失臣道父有不慈子有不孝兄弟
之情或薄夫婦之義或違長幼失序尊卑錯亂朕為帝王
志存愛養時有饑饉不救息內外職位遐邇黎人家家

自修人人克念使不軌不法蕩然俱盡兵可立威不
戢刑可助化不可專行禁衛九重之餘鎮守四方之外戎
旅軍器皆宜停罷仗路既夷羣方無事武力之子俱可學
文人間甲仗悉皆除毀有功之臣降情文藝家門子姪各
守一經令海內翕然高山仰止京邑庠序爰及州縣生徒
受業升進於朝未有灼然明經高第此則教訓不篤考課
未精明勅所由隆茲儒訓官府從宦丘園素士心迹相表
寬弘為念勿為踣促乖我皇猷朕君臨區宇於茲九載開
直言之路披不諱之心形於顏色勞於興寢自頃逞藝論

功昌言乃衆推誠切諫其事甚疎公卿士庶非所望也各
啓至誠臣茲不逮見善必進有才必舉無或噤嘿退有後
言頒告天下咸悉此意閏月甲子以安州總管韋世康爲
信州總管丁丑頒木魚符於總管刺史雌一雄一己卯以
吏部尚書蘇威爲尚書右僕射六月乙丑以荊州總管楊
素爲納言丁丑以吏部侍郎盧愷爲禮部尚書時朝野物
議咸願登封秋七月丙午詔曰豈可命一將軍除一小國
遐邇注意便謂太平以薄德而封名山用虛言而干上帝
非朕攸聞而今以後言及封禪宜即禁絕八月壬戌以廣

平王雄爲司空十一月壬辰考使定州刺史盧道深
上表請封禪上不許庚子以右衛大將軍虞慶則爲右武
候大將軍右領軍將軍李安爲右領軍大將軍甲寅降凶
徒十二月甲子詔曰朕祇承天命清蕩萬方首王衰弊之
後兆庶澆淳之日聖人遺訓掃地俱盡制禮作樂今也其
時朕情存古樂以思雅道鄭衛淫聲魚龍雜戲樂府之內
盡以除之今欲市人調律呂改張琴瑟且妙術精微非因教
習工人代掌止傳糟粕不足達神明之德論天地之和區
域之間奇才異議我天知神授何代無哉蓋晦迹於非時俟

昌言於所好官可搜訪速以奏聞庶覩一藝之能共就九成之業仍詔大常牛弘通直散騎常侍許善心秘書丞姚察通直郎虞世基等議定作樂已已以黃州總管周法尚為永州總管

十年春正月乙未以皇孫昭為河南王楷為華陽王二月庚申幸并州夏四月辛酉至自并州五月乙未詔曰魏未喪亂寓縣以分役惠戢動未違休息兵士軍人權置坊府南征北伐居處無定家無完堵地罕包桑恒為流寓之人竟無鄉里之號甚愍之凡是軍人可悉屬州縣墾田

籍帳一與民同軍府統領宜依舊式罷山東河南及北方緣邊之地新置軍府六月辛酉制人年五十免役收庸癸亥以靈州總管王世積為荊州總管浙州刺史元胄為靈州總管秋七月癸卯以納言楊素為內史令庚戌上親錄囚徒辛亥高麗遼東郡公高陽卒壬子吐谷渾遣使來朝八月壬申遣柱國襄陽郡公韋洸上開府東萊郡公王景並持節巡撫嶺南百越皆服冬十月甲子頒木魚符於京官五品已上戊辰以永州總管周法尚為桂州總管十一月辛卯幸國學頒賜各有差景午契丹遣使朝貢辛丑

有事於南郊是月婺州人汪文進會稽人高智慧蘇州人沈玄愴皆舉兵反自稱天子署置百官樂安蔡道人蔣山李稜饒州吳代華永嘉沈孝澈泉州王國慶餘杭楊宝英交趾李春等皆自稱大都督攻陷州縣詔上柱國內史令越國公楊素討平之

十一年春正月丁酉以平陳所得古器多為妖變悉命毀之辛丑高麗遣使朝貢景午皇太子妃元氏薨上舉哀於文思殿二月戊午吐谷渾遣使貢方物以大將軍蘇孝慈為工部尚書景子以臨穎令劉曠治術尤異擢為荊州刺

史己卯突厥遣使獻七宝益辛巳晦日有蝕之三月壬午遣通事舍人若干洽使于吐谷渾癸未以幽州總管周搖為壽州總管朔州總管吐萬緒為夏州總管夏四月戊午突厥雍虞閭可汗遣其特勒來朝五月甲子高麗遣使貢方物癸卯詔百官悉詣朝堂上封事乙巳以左衛將軍元旻為左衛大將軍秋七月己丑以柱國杜彥為洪州總管八月壬申幸栗園滕王瓚薨乙亥至自栗園上柱國沛國公鄭譯卒十二月景辰鞞鞞遣使貢方物十二年春正月壬子以蘇州刺史皇甫績為信州總管宣

州刺史席代雅為廣州總管二月己巳以蜀王秀為內史
令兼右領軍大將軍漢王諒為雍州牧右衛大將軍夏四
月辛卯以壽州總管周播為襄州總管五月辛亥廣州總
管席代雅卒秋七月乙巳尚書右僕射郇國公蘇威禮部
尚書容城縣侯盧暹並坐事除名壬戌幸昆明池其日還
宮己巳有事於大廟壬申晦日有蝕之八月甲戌制天下
死罪諸州不得便決皆令大理覆治乙亥幸龍首池癸巳
制宿衛者不得輒離所守丁酉上柱國夏州總管楚國公
豆盧勣卒戊戌上親錄囚徒九月丁未以工部尚書楊昇

為吳州總管冬十月丁丑以遂安王集為衛王壬午有事
于太廟至太祖神主前上流涕嗚咽悲不自勝十一月辛
亥有事於南郊壬子宴百寮頒賜各有差己未上柱國新
義郡公韓擒卒庚申以豫州刺史權武為潭州總管甲子
百寮大射於武德殿十二月癸酉突厥遣使來朝乙酉以
上柱國內史令楊素為尚書右僕射己酉吐谷渾靺鞨並
遣使貢方物

十三年春正月乙巳上柱國郇國公韓達業卒景午契丹
奚霫室素並遣使貢方物壬子親祀感帝癸巳以信州總

管肅世康為吏部尚書壬戌行幸岐州二月景子詔營仁壽宮丁亥至自岐州戊子宴考使於嘉則殿己卯立皇孫暕為豫章王戊子晉州刺史南陽郡公賈惠達隰州總管撫寧郡公韓延等以賄伏誅己丑制坐事去官者配流一年丁酉制私家不得隱蔽緝候圖讖夏四月癸未制戰亡之家給復一年五月癸亥詔人間有撰集國史臧否人物者皆令禁絕秋七月戊申靺鞨遣使貢方物壬子左衛大將軍雲州總管鉅鹿郡公賀婁子幹卒丁巳幸昆明池戊辰晦日有蝕之九月景辰降日徒庚申以邵國公揚綸為

滕王乙丑以桂國杜彥為雲州總管冬十月乙卯上桂國華陽郡公梁彥先卒

十四年夏四月乙丑詔曰在昔聖人作樂崇德移風易俗於斯為大自晉氏播遷兵戈不息雅樂流散年代已多方未一無由辨正賴上天鑒臨明神降福拯茲塗炭安息蒼生天下大同歸於治理遺文舊物皆為國有比命所司總令研究正樂雅聲詳考已訖宜即施用見行者停人間音樂流僻日久棄其舊體競造繁聲浮宕不歸遂已成俗宜加禁約務存其本五月辛酉京師地震關內諸州旱六

月丁卯詔省府州縣皆給公廨田不得治生與人爭利秋
七月乙未以邳國公蘇威為納言八月辛未關中大旱人
飢上率戶口就食於洛陽九月己未以齊州刺史樊子蓋
為循州總管丁巳以基州刺史崔仲方為會州總管冬閏
十月甲寅詔曰齊梁陳往皆創業一方綿歷年代既宗祀
廢絕祭奠無主興言矜念良以愴然昔國公蕭琮及高仁
英陳叔寶等宜令以時脩其祭祀所須器物有司給之乙
卯制外官九品已上父母及子年十五已上不得將之官
十一月壬戌制州縣佐吏三年一代不得重任癸未有星

字于角九十二月乙未東巡狩

十五年春正月壬戌車駕次齊州親問疾苦景寅旅王符
山庚午上以歲旱祠太山以謝愆咎大赦天下二月景辰
收天下兵器敢有私造者坐之關中緣邊不在其例丁巳
上柱國蔣國公梁睿卒三月己未至自東巡狩望祭五嶽
海濱丁亥幸仁壽宮營州總管韋藝卒夏四月己丑朔大
赦天下甲辰以趙州刺史楊達為工部尚書丁未以開府
儀同三司常沖為營州總管五月癸酉吐谷渾遣使朝貢
丁亥制京官五品已上佩銅魚符六月戊子詔鑿底柱夷

寅相州刺史豆盧通貢綾文布命焚之於朝堂乙未林邑遣使來貢方物辛丑詔名山大川未祀典者悉祠之秋十月乙丑晉王諱猷毛龜甲戌遣邳國公蘇威巡省江西戊寅至自仁壽宮辛巳制九品已上官以禮去職者聽並執笏冬十月戊子以吏部尚書常世康為荊州總管十一月辛酉幸溫湯乙丑至自溫湯十二月戊子勅盜邊糧一升已上皆斬並籍沒其家己丑詔文武官以四考交代十六年春正月丁亥以皇孫裕為平原王筠為安成王嶷為安平王恪為襄城王該為高陽王韶為建安王暉為潁

川王夏五月丁巳以懷州刺史龐晃為夏州總管蔡陽縣公姚辯為靈州總管六月甲午制工商不得進仕并州大蝗辛丑詔九品已上妻五品已上妾夫亡不得改嫁秋八月景戌詔決死罪者三奏而後行刑冬十月己丑幸長春宮十一月壬子至自長春宮

十七年春二月癸未太平公文萬歲擊西寧羗平之庚寅辛仁壽宮庚子上桂國王世積討桂州賊李光仕平之壬寅河東王昭納死宴群臣頒賜各有差三月景辰詔曰分職設官共理特務班位高下各有等差若所在官人不相

教憚多自寬縱事難克舉諸有殿失雖備科條或據律乃
輕論情則重不即決罪無以懲肅其諸司論屬官若有愆
犯聽於律外斟酌決杖辛酉上親錄囚徒癸亥上柱國彭
國公劉昶以罪伏誅庚午遣治書侍御史柳或皇甫誕巡
省河南河北夏四月戊寅頒新曆壬午詔曰周曆告終群
凶作亂疊起蕃服毒被生人朕受命上玄廓清區宇聖靈
垂祐文武同心申明公穆鄭襄公孝寬廣平王雄蔣國公
睿楚國公勳齊國公頽越國公素魯國公慶則新寧公長
義宜陽公世積趙國公羅雲隴西公詢廣業公景真昌公

振沛國公譚項城公子相鉅鹿公子幹等登庸納揆之時
草昧經綸之日丹誠大節心盡帝圖茂績殊勲力宣王府
宜弘其門緒與國同休其世子世孫未經州任者宜量才
并用庶身榮位世祿無窮五月宴百寮於玉女泉頒賜各
有差已巳蜀王秀來朝高麗遣使貢方物甲戌以左衛將
軍獨孤羅雲為涼州總管閏月己卯群鹿入殿門馴擾侍
衛之內秋七月丁丑桂州人李代賢反遣右武侯大將軍
虞慶則討平之丁亥上柱國并州總管秦王俊坐事免以
王就第戊戌突厥遣使貢方物八月丁卯荊州總管上庸

郡公常世康卒九月甲申至自仁壽宮庚寅上謂侍臣曰
禮主於敬皆當盡心黍稷非馨貴在祗肅廟庭設樂本以
迎神齋祭之日觸目多感當此之際何可為心在路奏樂
禮未為允群公卿士宜更詳之冬十月丁未頒銅鼓符於
驃騎車騎府戊申道王靜薨庚午詔曰五帝異樂三玉殊
禮皆隨事而有損益因情而立節文仰惟祭享宗廟瞻敬
如在罔極之感情深茲日而禮畢升路鼓吹發音還入宮
門金石振響斯則哀樂同日心事相違情所不安理實未
允宜改茲往式用弘禮教自今已後享廟日不須備鼓吹

殿庭勿設樂懸辛未京師大索十一月丁亥突厥遣使來
朝十二月壬子上柱國右武侯大將軍魯國公虞慶則以
罪伏誅

十八年春正月辛丑詔曰吳越之人往承弊俗所在之處
私造大船因相聚結致有侵害其江南諸州人間有船長
三文已上悉括入官二月甲辰幸仁壽宮乙巳以漢王諒
為行軍元帥水陸三十萬伐高麗三月乙亥以柱國杜彥
為朔州總管夏四月癸卯以蔣州刺史郭衍為洪州總管
五月辛亥詔畜猫鬼蟲毒厭魅野道之家投於四裔六月

景寅下詔黜高麗王高元官爵秋七月壬申詔以河南八
州水免其科役景子詔京官五品已上總管刺史以志行
脩謹清平幹濟二科舉人九月己丑漢王諒師遇疾疫而
旋死者十八九庚寅勅舍客無公驗者坐及刺史縣令辛
卯至自仁壽宮冬十一月甲戌上親錄囚徒癸未有事於
南郊十二月庚子上柱國夏州總管任城郡公王景以罪
伏誅是月自京師至仁壽宮置行宮十有二所

十九年春正月癸酉大赦天下戊寅大射武德殿宴賜百
官二月己亥晉王諱來朝辛丑以并州總管長史宇文弼

為朔州總管甲寅幸仁壽宮夏四月丁酉突厥利可汗內
附達頭可汗犯塞遣行軍總管史萬歲擊破之六月丁酉
以豫章王暉為內史令秋八月癸卯上柱國尚書左僕射
齊國公高頊坐事免辛亥上柱國皖城郡公張威卒甲寅
上柱國城陽郡公李徽卒九月乙丑以太常卿牛弘為吏
部尚書冬十月甲午以突厥利可汗為啓人可汗築大利
城處其部落庚子以朔州總管宇文弼為代州總管十二
月乙未突厥都藍可汗為部下所殺丁丑星竇於渤海
二十年春正月辛酉朔上在仁壽宮突厥高麗契丹並遣

使貢方物癸亥以代州總管宇文弼為吳州總管二月己巳以上社國崔弘度為原州總管丁丑無雲而雷三月辛卯熙州人李英林反遣行軍元帥擊破之乙亥天有聲如瀉水自南而北六月丁丑秦王俊薨秋八月老人星見九月丁未至自仁壽宮癸丑吳州總管楊昇卒冬十月己未太白晝見乙丑皇太子勇及諸子並廢為庶人殺柱國太平縣公史萬歲己巳殺左衛大將軍五原郡公元昊十一月戊子天下地震京師大風雪以晉王諱為皇太子十二月戊午詔東宮官屬不得稱臣於皇太子辛巳詔曰佛法

深妙道教虛融咸降大慈濟度群品凡在含識皆蒙覆護所以雕鑄靈相圖寫真形率土瞻仰用申誠敬其五嶽四鎮節宣雲雨江河淮海浸潤區域並生養萬物利益兆人故建廟立祀以時恭敬敢有毀壞偷盜佛及天尊像嶽鎮海瀆神形者以不道論沙門壞佛像道士壞天尊者以惡逆論

仁壽元年春正月乙酉朔大赦改元以尚書右僕射楊素為尚書左僕射納言蘇威為尚書右僕射丁酉徙河南王昭為晉王突厥寇恒安遣柱國韓洪擊之官軍敗績以晉

王昭為內史令辛丑詔曰君子立身雖云百行唯誠與孝最為其首故投主殉節自古稱難殞身王事禮加二等而代俗之徒不達大義至於致命戎旅不入兆域虧孝子之意傷人臣之心興言念此每深愍歎且入廟祭祀並不廢闕何止墳塋獨在其外自今已後戰亡之徒宜入墓域二月乙卯朔日有蝕之辛巳以上柱國獨孤楷為原州總管三月壬辰以豫章王暕為揚州總管夏四月以浙州刺史蘇孝慈為洪州總管五月己丑突厥男女九萬口來降壬辰驟雨震雷大風拔木宣君湫水移於始平六月癸丑洪州

總管蘇孝慈卒 卯遣十六使巡省風俗乙丑詔曰儒學之道訓教生人識父子君臣之義如尊卑長幼之序升之於朝任之以職故能輔其理時務弘益風範朕撫臨天下思弘德教廷集學徒崇建庠序開進仕之路佇賢雋之人而國學冒子垂將千數州縣諸生成歲亦不少徒有名錄空度歲時未有德為範才任國用良由設學之理多而未精今宜簡省明加獎勵於是國子學唯留學生七十人太學四門及州縣學並廢其日頒舍利於諸州秋七月戊戌改國子為太學九月癸未以柱國杜彥為雲州總管十一月

已丑有事於南郊壬辰以資州刺史衛玄為遂州總管
二年春二月辛亥以邢州刺史侯莫陳穎為桂州總管宗
正楊祀為荊州總管三月己亥幸仁壽宮壬寅以齊州刺
史張奩為潭州總管夏四月庚戌岐雍二州地震秋七月
丙戌詔內外官各舉所知戊子以原州總管獨孤楷為益
州總管八月己巳皇后獨孤氏崩九月丙戌至自仁壽宮
壬辰河南北諸州大水遣工部尚書楊達振恤之乙未上
柱國襄州總管金永郡公周搖卒隴西地震冬十月壬子
曲赦益州管內癸丑以工部尚書楊達為納言閏月甲申

詔尚書左僕射楊素與諸術者判定陰陽舛謬己丑詔
禮之為用時義大矣黃琮在璧降天地之神樂盛牲食展
宗廟之敬正父子君臣之序明婚姻喪紀之節故道德仁
義非禮不成安上治人莫善於禮自區宇亂離縣歷年代
二道衰而變風作微言絕而大義乖與代推移其弊日甚
至於四時郊祀之節文五服麻葛之隆殺是非異說踳駁
殊塗致使聖教凋訛輕重無准朕祗承天命撫臨生人堂
洗滌之時屬于戈之代克定禍亂先運武功刪正彝典日
不暇給今四海乂安五戎勿用理宜弘風訓俗導德齊禮

徵生聖王 舊章典先王之 則尚書左僕射越國公楊素
射部威公蘇威 吏部尚書晉童公牛弘內史侍
內秘書丞許善心 史令虞世基著作郎王劼
加埃博達古公 或 推人學綜經史委以裁緝
議可並修定五禮 宣華獻皇后於大陵十二月
國金州總管蜀 委 為庶人交州人本佛子
舉兵及 追行宣總管 劉 討平之
三年春二月巳 州總管比陽縣公龐晃卒戊子以大
將軍祭陽郡公 辨為左武侯大將軍夏五月癸卯詔

哀哀父母生我劬勞欲報之德昊天罔極但風樹不靜嚴
敬莫追霜露既降感恩空切六月十三日是朕生日宜令
海內為武元皇帝元明皇后斷屠六月甲午詔曰禮云至
親以期斷蓋以四時之變易萬物之更始故聖人象之其
有三年加隆爾也但家無二尊母為厭降是以父存喪母
還服于期者服之正也豈容期內而更小祥然三年之喪
而有小祥者禮云基祭禮也期而除喪道也以是之故雖
未再期而天地一變不可不祭不可不除故有練焉以存
喪祭之本然期喪有練於理未安雖云十一月而練乃無

所法象非期非時豈可除祭而儒者徒擬三年之喪立練禫之節可謂苟存其變而失其本欲漸於奪乃薄於喪豈使子則冠練去經黃裏線緣經則布葛在躬麻服未改豈非經哀尚存子情已奪親踈失倫輕重顛倒乃不順人情豈聖人之意也故知先聖之禮廢於人邪三年之喪尚有不行者至於祥練之節安能不墜者乎禮云父母之喪無貴賤一也而大夫士之喪父母乃貴賤異服然則禮壞樂崩由來漸矣所以晏平仲之斬麻緣其老謂之非禮滕文公之服三年其所以咸所不欲蓋由王道既衰諸侯異政

將踰越於法度惡禮制之害已乃滅去篇籍自制其宜遂至骨肉之恩輕重從俗無易之道隆殺任情況孔子沒而微言絕秦滅學而經籍焚者乎有漢之興雖求儒雅人皆異說義非一貫又近代亂離唯務兵革其於典禮時所未違夫禮不從天降不從地出乃人心而已者謂情緣於恩也故恩厚者其禮隆情輕者其禮殺聖人以是稱情立文別親踈貴賤之等自臣子道消上下失叙莫大之恩逐情而薄莫重之禮與時而殺此乃服不稱喪容不稱服非所謂聖人緣恩表情制禮之義也然喪與易也寧在於戚則

禮之本也禮有其餘未若於哀則情之實也今十一月而
練者非禮之本非情之實由是言之父存喪母不宜有練
但依禮十三月而祥中月而禫庶以合聖人之意達孝子
之心秋七月丁卯詔曰日往月來唯天所以運序山鎮川
流唯地所以宣氣運序則寒暑無差宣氣則雲雨有作故
能成天地之大德育萬物而為功况一人君子四海睹物
欲運獨見致治不藉群才未之有也是以唐堯欽明命羲
和以居岳虞舜睿德升元凱而作相伊尹鼎俎之騰為殺
之阿衡呂望漁釣之夫為周之尚父此則鳴鶴在陰其子

必和風雲之從龍虎賢哲之應聖明君德不回臣道以正
故能通天地之和順陰陽之序豈不由元首而有股肱乎
自王道衰人風薄居上莫能公道以御物為下必踵私法
以希時上下相蒙君臣義失義失則政乖政乖則人困蓋
同德之風難嗣離德之軌易追則任者不休休者不任則
衆口鑠金戮辱之禍不測是以行歌避代辭位灌園卷而
可懷黜而無愠放逐江湖之上沈赴河海之流所以自繫
而不悔者也至於閭閻秀異之士鄉曲博雅之儒言足以
佐時行足以勸俗遺棄於草野堙滅而無聞豈勝道哉所

以覽古而歎息者也方今區宇一家煙火萬里百姓乂安
四夷賓服豈是人功實乃天意朕惟夙夜祗懼將所以嗣
明靈是以小心勵已日慎一日以黎元在念憂兆庶未康以
庶政爲懷慮一物失所雖求傳巖莫見幽人徒想崆峒未
聞至道唯恐商歌於長夜抱關於夷門遠跡大羊之間屈
身僮僕之伍其令州縣搜揚賢哲皆取明知今古通識治
亂究政教之本達禮樂之源不限多少不得不舉限以三
旬咸令進路徵召將送必須以禮八月壬申上柱國檢校
幽州總管落叢郡公燕榮以罪伏誅九月壬戌置常平官

甲子以營州總管韋充爲民部尚書十二月癸酉河南諸
州水遣納言楊達振之

四年春正月丙辰大赦甲子幸仁壽宮乙丑詔賞罰支度
事無巨細並付皇太子夏四月乙卯上不豫六月庚申大赦
天下有星入月中數日而退長人見於鴈門秋七月乙未
日青無光八日乃復己亥以大將軍段文振爲雲州總管
甲辰上以疾甚臥於仁壽宮與百寮辭訣並握手歔歔下
未崩於大寶殿時年六十四遺詔曰嗟乎自昔晉室播割
疆土者非一所稱帝王者非一人書軌不同生人塗炭上

天降謫孽爰命於朕用登天位豈關人力故得撥亂反正偃
武修文天下大同聲教遠被此又是天意欲寧區夏所以
朕旦臨朝不敢逸豫一日萬幾留心親覽晦明寒暑不憚
劬勞匪曰朕日晝為百姓故也王公卿士每日闕庭刺史
以下三時朝集何嘗不罄竭心府誠勅殷勤義乃君臣情
兼父子庶藉百寮智力萬國歡心欲令率土之人永得安
樂不謂遘疾彌留至於大漸此乃人生常分何足言及但
四塗百姓衣食不豐教化政刑猶未盡善興言念此唯以
留恨朕今年踰六十不復稱天但筋力精神一時勞竭如

此之事本非為身止於安養百姓所以致此人生子孫
不愛念既為天下事則割情勇及先等並懷悖惡既知
無臣子之心所以廢黜古人有言知臣莫若於君知子莫
若於父若令勇秀得志共治家國必當戮辱徧於公卿酷
毒流於人庶今惡子孫已為百姓黜屏好子孫足堪負荷
大業此雖朕家事理不容隱前對文武侍衛具已論述皇
太子廣地居上嗣仁孝著聞以其行業堪成朕志但令內
外群官同心戮力以此共治天下朕雖瞑目何所復恨但
國家事大不可限以常禮既葬公除行之自昔今宜遵用

不勞改定凶禮所須總令周事務從節儉不得勞人諸州
總管刺史已下宜各率其職不須奔赴自古哲王因人作
法前帝後帝必共隨時律令格式或有不便於事者宜依
前勅修改務當政要嗚呼敬之哉無墜朕命乙卯發喪河
間楊柳四株無葉黃落既而花葉復生八月丁卯宮至
自仁壽宮丙子殯于大興前殿冬十月己卯合葬於大陵
同墳而異穴上性嚴重有威容外質木而內明敏有大略
初得政之始羣情不附諸子幼弱內有六王之謀外致三
方之亂挫強兵苦戰累年皆歸之海臣上推以赤心各獲

其用不踰
刑罰內諸
務存節儉
綾綺而無
角而已雖
路逢上妻
治得失人
所食有得
責為之徹
其用不踰
刑罰內諸
務存節儉
綾綺而無
角而已雖
路逢上妻
治得失人
所食有得
責為之徹
其用不踰
刑罰內諸
務存節儉
綾綺而無
角而已雖
路逢上妻
治得失人
所食有得
責為之徹

口就食洛陽者道路相屬上勅斥候不得輒有驅逼男女
參廁於仗衛之間逢扶老携幼者輒引馬避之慰勉而云
至艱險之處見負糈者遽令左右扶助之其有將士戰沒
必加優賞仍令使者就家勞問自強不息朝夕孜孜人庶
殷繁奴藏充實雖未能臻於至治亦足稱近代之良主然
天性沉猜素無學術好為小數不達大體故忠臣義士莫
得盡心竭辭其草創元勳及有功諸將誅夷罪退罕有存
者又不悅詩書廢除學校唯婦言是用廢黜諸子逮于暮
年持法尤峻喜怒不常過於殺戮嘗令左右送西域朝貢

使出玉門關其所經之處或受牧宰小物饋遺鸚鵡武鷹
皮馬鞭之屬上聞而大怒又詣武庫見署中無穢不治於
是執武庫令及諸受遺者出開遠門外親自臨決死者數
十人又往往潛令人賂遺令史府史有受者必死無所寬
貸議者以此少之

史臣曰高祖龍德在田竒表見異晦明箴用故知我者希
始以外戚之尊受托孤之任與能之議未為當時所許是
以周室舊臣咸懷憤惋既而王謙固三蜀之阻不踰期月
尉迴舉全齊之衆一戰而亡斯乃非止人謀抑亦天之所

贊也乘茲機運遂遷周鼎于時蠻夷猾夏荆揚未一劬勞
日昃經營四方樓船南邁則金陵失險驃騎北指則單于
欵塞戢方所載並入疆理禹貢所圖咸受正朔雖晉武之
克平吳會漢宜之推亡固存比義論功不能尚也七德既
敷九歌已洽要荒咸暨尉候無警於是躬節儉平徭賦倉
廩實法令行君子咸樂其生小人各安其業強無陵弱衆
不暴寡人物殷阜朝野歡娛二十年間天下無事區宇之
內晏如也考之前王是以參蹤盛烈但素無術學不能盡
下無寬仁之度有刻薄之資暨乎暮年此風逾扇文雅好
符瑞暗於大道建彼維城權侔京室皆同帝制靡所適從
聽哲婦之言惑邪臣之說溺寵廢嫡託付失所滅父子之
道開昆弟之隙縱其尋斧翦伐本枝墳土未乾子孫繼踵
屠戮松檟絕列天下已非隋有惜哉述其衰急之源稽其
亂亡之兆起自高祖成於煬帝所由來速矣非一朝一夕
其不祀忽諸未為不幸也




Table with 10 columns and 10 rows. The text is extremely faint and illegible. The table is enclosed in a double-line border.

附錄二

114

卷之四